

陀羅尼門諸部要目

唐特進試鴻臚卿三藏沙門大廣智不空奉詔譯

瑜伽本經都十萬偈有十八會初會經名一

切如來真實攝其經說五部佛部毗盧遮那

主金剛部阿闍佛以寶部寶生佛以蓮華部

阿彌陀佛羯磨部不空成就佛彼五部主各

有四菩薩以為眷屬前右左背而安列四內

供養各屬四部次第應知四外供養亦屬四

部四門鉤索鎖鈴四部次第應知

又有四方賢劫中十六大菩薩表賢劫中一

千菩薩

又外有五類天一一類有四天總有二十并

后復有五類成二十五類者上界四天

住虛空四天 遊虛空四天 地居有四天

居地底四天

瑜伽部曼荼羅有四一金剛界二降三世三

徧調伏四一切義成就此四曼荼羅表毗盧

遮那佛內四智菩薩又一曼荼羅建立六

曼荼羅所謂大曼荼羅三昧耶曼荼羅法曼

荼羅羯磨曼荼羅四印曼荼羅一印曼荼羅

唯降三世曼荼羅具十曼荼羅餘皆具六一

切印契一切法要以四智印攝盡大智印以

五相成本尊瑜伽三昧耶印以二手和合金

法智印名本尊種子法身三

羯磨智印依二金剛華如執持器

又瑜伽中四種眼法眼敬熾盛眼忿怒眼

降伏心殺慈眼除毒

又一切如來敎集瑜伽中一百二十種護摩

依二十五種爐護摩爐中執印標幟各異所

求迅速成辦世間出世間成就果報諸會浩

汗文義稍多恐繁文且略指方隅依毗盧遮
那成道經大本十萬偈可有三百卷經唐國
所譯略本七卷此經中說一百六十心十緣
生句五輪地輪水輪火輪風輪空輪此經中
二種修行菩提心以爲因大悲以爲根方便
爲究竟依勝義世俗若依勝義修行建立法
身曼荼羅是故此經中說先緝虛空中曼荼
羅是故觀本尊法身遠離形色猶如虛空住
如是三摩地若依世俗諦修行依四輪以爲
曼荼羅本尊聖者若黃色住地輪曼荼羅其形十二
金輪聖者若白色住水輪曼荼羅其形圓名水輪聖
者若赤色住火輪曼荼羅其形三角聖者若青色
若黑色住風輪曼荼羅其形半月大曼荼羅安
於八葉蓮華臺五佛四菩薩安於臺葉中曼
荼羅外又有三種曼荼羅一切如來曼荼羅

釋迦牟尼曼荼羅文殊師利曼荼羅此曼荼
羅名爲大悲胎藏曼荼羅弟子受灌頂法小
曼荼羅極微妙委曲餘部所不代此中修行
供養兼存二種事與理此經中護摩火天有
四十種就中一十二種火爲最勝爐形及木
有乳果類苦練所用各不同東西南北祈願
各殊內外護摩亦依五輪求四種事速疾成
就息災增益降伏敬愛所請火天各各不同
寂靜熙怡忿怒喜怒哀次第應知

蘇悉地經教中依三部所謂佛部五佛頂等蓮華
部種類甚多金剛部金剛薩埵等變化無量
有三種三昧耶佛部蓮華部金剛部有三部
心真言爾那羅迦半音呼阿嚧力二嚩日囉二合
地力三
部主有三種金輪王佛頂佛部主蓮華部主

馬頭觀自在金剛部主三世勝金剛

三種部母佛部佛眼以爲部母蓮華部白衣
觀自在以爲部母金剛部忙麼維菩薩以爲
部母

三種明妃佛部無能勝菩薩以爲明妃蓮華
部多羅菩薩以爲明妃金剛部金剛孫那利
菩薩以爲明妃

三種忿怒不動尊佛部忿怒忿怒鉤蓮華部
忿怒軍荼利金剛部忿怒

有四種界金剛橛地界金剛牆八方界金剛
網上方便密縫阿三莽礙你界又有四種界
結護曼荼羅金剛索護東方金剛幢旛護西
方金剛迦利護南方金剛峯護北方又大界
名商羯羅設佛頂護輪王等隣近不被障礙
此經中修真言者成就世間悉地依時依處

時者謂三時處謂本尊像前供養五種除關
伽一者塗香二者華鬘三者燒香四者飲食
五者燈明白北黃東黑南赤西隨息災增益
降伏敬愛所求應知成就者十八種物隨身
廣如經說三時澡洗三時浣衣

一月分爲四時月生一日至八日應作息災
從九日至十五日應作增益從十六日至二
十三日應作降伏從二十四日至月盡日爲
敬愛法麤咽邪經亦同蘇悉地分布曼荼羅
及緋地法此經中極微細不可具錄

及八方其護持帝王營從兵法五天竺國深
敬信佛法於帝王可傳蘇婆呼童子經此經
中辯求成就人護摩杵金銀銅鐵石水精佉
陀羅木等無量種各不同杵五股三股一股
長十六指爲上十二指爲中八指以爲下乃

至一指節爲下此經中說不持金剛杵無由
得成就金剛杵者菩提心義能壞斷二邊契
中道中有十六菩薩位亦表十六空爲中道
兩邊各有五股五佛五智義亦表十波羅蜜
能摧十種煩惱成十種真如便證十地證金
剛三業獲金剛智坐金剛座亦是一切智智
亦名如來自覺聖智若不修此三摩地智得
成佛者無有是處恐文繁不能廣述若廣釋
窮劫不可說盡怛唎三昧耶經同毗盧遮那
集會所有聖衆修行教法自性成就此教中
修行者但住菩提心大悲志願不捨無盡衆
生界所應不違事設違之不應食啗若有食
者不成破三昧耶戒此經中說誦大輪金剛
真言不染諸愆過以爲方便現生一切真言
速疾成就此經中不動尊等四十二如來僮

僕使者若修真言行菩薩堅持菩提心我等
承事供養擁護食彼修行者殘食彼等至無
上菩提諸障者毗那夜迦不得便速證無上
菩提

陀羅尼門諸部要目

卷九

十五